



ինչպէս երեւում է ուրարտական (Վանի թագաւորութեան) արձանագրութիւններէն, մ. թ. ա. 9-րդ դարի վերջից Հայկական լեռնաշխարհի հիւսիսում յիշատակուող Ջաբախա կամ Ջաբախեան երկրի անուան տառադարձուած տարբերակն է՝ Ջաբախա-Ջաբախա-Ջաւախա-Ջաւախք<sup>6</sup>: Արգիշտի Ա-ի (մ. թ. ա. 786-764 թթ.) թողած Խորխոռեան արձանագրութեան մէջ՝ 785-784 թթ. գրաւուած Դիաուխի կամ Դայա (Տայք), Տարիուխի (Դարոյնք՝ Բասէն) եւ այլ երկրներ թուում նշուում է Ջաբախան: Վերջինս յիշատակուում է նաեւ ուրարտական յաջորդ մի քանի թագաւորների թողած արձանագրութիւններում: Թէեւ Ջաւախքի մասին մ. թ. ա. 8-րդ դարից աւելի վաղ յիշատակութիւններ չկան, սակայն, ուսումնասիրելով մինչուրարտական շրջանը, կարելի է ենթադրել, որ այն կամ վարչականօրէն մաս է կազմել մ. թ. ա. 2-րդ հազարամեակում գոյութիւն ունեցած Հայկական առաջին պետական կազմաւորումներից մէկի, ամենայն հաւանականութեամբ Հայասային եւ էթիուսիին, կամ էլ եղել է բաւական ընդարձակ ինքնուրոյն կազմաւորում՝ ընդգրկելով հետագայի Գուգարք աշխարհի ամբողջ արեւմտեան հատուածը: Աւելի հաւանական է երկրորդ տեսակէտը. պատահական չէ, որ Արգիշտիի վերոյիշեալ արձանագրութիւնում Ջաբախան յիշատակուում է իբրեւ գրաւուած երկիր: Նշանակուում է, մինչեւ մ. թ. ա. 8-րդ դարի սկիզբը Ջաւախքը եղել է ինքնիշխան ցեղապետութիւն եւ այդ ժամանակ, որպէս Հայ էթնոսով բնակեցուած տարածք, միաւորուել է Վանի միասնական թագաւորութեան մէջ՝ կազմելով նրա հիւսիս-արեւմտեան ամենարեւարձակ ու սահմանամերձ նահանգը<sup>7</sup>:

Յետուրարտական՝ Երուանդունեաց

Հայաստանի ժամանակաշրջանից (մ. թ. ա. 6-2-րդ դդ.) Ջաւախքի մասին ուղղակի տեղեկութիւններ գրեթէ չկան: Միայն կարելի է վկայակոչել առասպելախառն, բայց ուշագրաւ երկու յիշատակութիւն՝ Մովսէս Խորենացու «Հայոց պատմութիւնից» եւ «Քարթլիս Յիսովրեբայից»: Պատմահայրը նշում է, որ Վաղարշակ Ա-ն «զկէս մասինն Ջաւախաց» ժառանգութիւն է տալիս Շարայի ցեղից Գուշարին եւ նրան նահանգի վրայ կարգում բռնելս՝ Հայոց երկիրը հիւսիս-կովկասեան լեռնականներից պաշտպանելու համար<sup>8</sup>: Հաւաքական ու կիսաառասպելական կերպար Վաղարշակի այս ձեռնարկումը ուսումնասիրողներից շատերը վերագրում են մ. թ. ա. 3-րդ դարին: Ստացւում է, որ այդ ժամանակ Ջաւախքը եղել է Երուանդունիների պետութեան կազմում եւ տրուել է Գուգարք տեղանունը, այսինքն՝ երկրամասը դադարել է ընդարձակ նահանգ լինելուց եւ մտել է նորաստեղծ Գուգարք սահմանակալ բռնշխութեան մէջ, ընդ որում՝ իր հերթին տրոհուելով երկու մասի՝ Ջաւախք Վերին եւ Ջաւախք Ներքին: Վերին Ջաւախքը նոյնանում է Խորենացու նշած «կէս մասինն Ջաւախաց» տարածքի հետ, քանի որ տրուել է հարեւան Շարայի՝ Շիրակի գաւառին: Ներքին Ջաւախքը աղբիւրներում չի յիշատակուում: Սակայն եթէ կար Վերինը, որը գաւառի բարձրադիր հարաւային եւ հիւսիս-արեւելեան մասն էր, նրա համեմատութեամբ ցածրադիր արեւմտեան եւ հիւսիս-արեւմտեան հատուածը, բնականաբար, պէտք է կազմէր Ներքին Ջաւախքը<sup>9</sup>:

Յատկանշական է, որ Խորենացու վերոյիշեալ վկայութիւնը մ. թ. ա. 3-րդ դարում Ջաւախքի մասին ձեւափոխուած

«վրացական» տարբերակով բերւում է «Քարթլիս Յիսովրեբայում», որի համաձայն, ինչպէս վերը յիշատակուեց, այն բաժին է ընկել այս անգամ Ջաւախոսին: Բանն այն է, որ մ. թ. ա. 270-ական թթ. Մեծ Հայքի հիւսիսային հարեւանութեամբ կազմաւորուել է Վրաց Փառնաւազեան պետութիւնը (Իբերիա, Վիրք), որն, օգտուելով Հայ Երուանդունիների հակառակորդ Սելեւկեանների օժանդակութիւնից, հայոց երկրից գրաւել եւ անկութիւնից, հայոց երկրից գրաւել եւ անջատել է Գուգարքն ու Ջաւախքը, ինչպէս եւ յարակից այլ շրջաններ: Այդ ժամանակ Ջաւախքի կենտրոնը Մունդա<sup>10</sup> ամրոցն էր, որ Հայերը կոչում էին Քաշատուն կամ Քաջաց քաղաք: Վերը թուարկուած տարածքները վրացիներից հետ վերցնելու մասին վկայում է յոյն հեղիւ վերցնելու մասին վկայում է յոյն հեղիւ նակ Ստրաբոնը: Նա գրում է, որ մ. թ. ա. 2-րդ դարում հայոց Արտաշէս թագաւորը (189-160), ի թիւս այլ հողերի, իբրեւներից գրաւել (այն է՝ վերագարձել է Ա. Մ.) եւ իր երկրին է միացրել Գուգարենէն՝ Գուգարքը<sup>11</sup>: Նոյն վկայութիւնը մէկ այլ խմբագրութեամբ հանդիպում է նաեւ վրացական աղբիւրներում: Ըստ Լէոնտի Մրովելու, քարթուկները՝ վրացիները, Ջաւախէթը գրաւելու համար Արտաշեսի դէմ պայքարում դուրս են բերել օսերին<sup>12</sup>, Հայկական աղբիւրներում յիշատակուող ալաններին: Կը նշանակի, հայտական պատերազմը, որի մասին պատմում է Մ. Խորենացին «Արտաշէս եւ Սաթենիկ» յայտնի առասպելում, ընթացել է նաեւ Ջաւախքի համար: Արտաշէսը կարողանում է ոչ միայն ետ վերադարձնել Հայկական հողերը, այլեւ իրեն ենթարկել Վրաց փոքրիկ թագաւորութիւնը: Փաստօրէն այդ ժամանակ Գուգարքի բռնաշին է անցնում վրաց գահը: Ջարբռնալի է, որ հետագայի որոշ հեղինակ-

ների մօտ հանդիպում ենք «բռնաշին գուգարացոց եւ վրաց» արտայայտութեանը: Արտաշէսեանների եւ Արշակունիների ժամանակաշրջանում եւս Ջաւախքի վերաբերեալ յիշատակութիւններն աղքատիկ են, եւ գաւառի մասին պատկերացում կարելի է կազմել հիմնականում ամբողջ նահանգի՝ Գուգարքի միջոցով: Վերջինս մինչեւ Արշակունիների անկումը՝ 428 թ., շարունակել է մնալ իբրեւ Մեծ Հայքի հիւսիսային պաշտպանական նահանգը եւ նրանից չի անջատուել նոյնիսկ մ. թ. առաջին դարի առաջին կէսին (1-52 թթ.), երբ հայոց գահին, ի թիւս այլ օտարների, բարձրացել էին նաեւ վրացիներ: Խնդրոյ առարկայ գաւառին վերաբերող ժլատ յիշատակումներից, թերեւս խիստ արժէքաւորը, որը նրա ժողովրդագրական վիճակի գողտրիկ վկայութիւն է, պատկանում է վրաց տարեգրի գրչին: Ըստ աւանդութեան, Հռիփսիմեան քրիստոնեայ քարոզիչ քոյրերից Նինոն՝ հայկական աղբիւրների նուէն, Հայաստանից փորձում է անցնել Վրաստան եւ լինում է Ջաւախքում, որտեղ Փարուանայ լճի ափին հանդիպում է մցխէթցի հովիւների եւ, նրանց հետ խօսելով հայերէն, կարողանում է պարզել Մցխէթ տանող ճանապարհը<sup>13</sup>: Այս վկայութիւնը որոշապէս պարզութիւն է մտցնում երկու կարեւոր հարցերում: Նախ, որ նուէն մինչեւ Վիրք անցնելը եղել է Հայաստանում, ծանօթացել է հայերէնին եւ, ի թիւս այլ ծանօթների, այնտեղից քրիստոնէութիւնը տարածել վրաց աշխարհում<sup>14</sup>: Երկրորդ՝ Ջաւախքի գործածական լեզուն հայերէնն էր, այն հայաբնակ էր, այլահայերէնից եկած հովիւների համար պէս Մցխէթից եկած հովիւների համար անհրաժեշտութիւն չէր լինի սովորելու հայոց լեզուն:

Արշակ Բ-ի օրօք (350-368) Գուգարաց

նահանգն ապստամբում է եւ յարում վրաց թագաւորին: Պապ թագաւորի հրամանով Մուշեղ սպարապետը ետ է գրաւում Գուգարքը, պատժում բղբշխին ու նրան օժանդակած իշխաններին եւ վերականգնում հայ-վրացական սահմանը՝ Կուր գետը. «...զհին սահմանսն, որ յառաջուն էր լեալ յերկիրն Հայոց եւ ընդ յերկիրն Վրաց, որ է ինքն մեծ գետն Կուր»<sup>15</sup>:

Ուշագրաւ է, որ գտնուելով Գուգարքի կազմում, Ջաւախքը 3-4-րդ դդ. պահպանում էր իր ներքին ինքնուրոյնութիւնը: Այստեղ իշխում էին Վարձաւունի<sup>16</sup> նախարարական տան ներկայացուցիչները: Արշակունեաց Հայաստանի կեանքում վերջիններս ունեցել են իրենց ուրոյն տեղը: «Գահնամակում» Վարձաւունիները 70 նախարարների թւում յիշատակուած են 23-րդը: Պատերազմի ժամանակ Հայաստանի չորս զօրավարութիւններից Արեւելեան ուղղութեան զօրքերի մէջ նրանք ունեցել են 200 զինուոր<sup>17</sup>:

387 թ. Հայաստանի բաժանումից յետոյ Արշակունիների ազդեցութիւնը Գուգարքի եւ Ջաւախքի վրայ զգալիօրէն թուլացաւ, իսկ 428 թ. հայոց թագաւորութեան կործանումից յետոյ նրանք միացուեցին Սասանեան Իրանի տիրապետութեան տակ կազմաւորուած Վրաց մարզպանութեանը, ճիշտ այնպէս, ինչպէս նոյն ժամանակ Արցախը կցուեց պարսկահպատակ մէկ այլ մարզի՝ Աղուանքին:

Ինչպէս ամբողջ Հիւսիսային Հայաստանը, Ջաւախքը եւս պարսկական լծի տակ մնաց մինչեւ 7-րդ դարը՝ արաբական արշաւանքները: 7-րդ դարի հեղինակ Յովհան Մամիկոնեանի «Պատմութիւն Տարօնի» երկում, արաբական արշաւանքների առիթով, նորից հանդիպում

ենք Ջաւախքի մասին յիշատակութեան: Պատմիչը վկայում է, որ արաբ զօրավար Աբդուհիբը 7-րդ դ. կէսերին ասպատակել է Հայաստանի գաւառները՝ Հարքը, Բասէնը, Ջաւախքը, Վանանդը, անցել Վիրք եւ աւարով վերադարձել Արաբիա<sup>18</sup>: Այստեղ յատկանշականն այն է, որ Ջաւախքը թուարկուած է հայոց գաւառների շարքում, իսկ յետոյ նոր միայն նշուած է Վիրքը: Նշանակուած է, 7-րդ դ. 40-50-ական թթ.՝ արաբական առաջին արշաւանքների շրջանում, այս գաւառն արդէն ոչ թէ Վիրքի, այլ Հայաստանի կազմում էր:

Ջաւախքը արաբական տիրապետութեան տակ մնում է մինչեւ 9-րդ դ. վերջը, երբ Բագրատունեաց Սմբատ Ա-ն (890-914), Յովհաննէս Դրասխանակերտցի պատմիչի վկայութեամբ, «երթեալ չուէ զկողմամբք Գուգարաց՝ եւ զայնս եւս ամրոցս իւրոյ տէրութեանն առհասարակ ինքն գրաւէր նուաճէր»<sup>19</sup>:

10-րդ դ. 70-80-ական թթ. Գուգարքի մեծ մասը մտնում էր Լօռուայ կամ Կիւրիկեան (նաեւ Գուգարքի, որագետի) թագաւորութեան տարածքի մէջ: Վերին Ջաւախքը, յատկապէս նրա հարաւային մասը՝ Գոգչէնը<sup>20</sup>, որոշ ժամանակ դեռ մնում է Բագրատունիների ազդեցութեան տակ, իսկ Ներքին Ջաւախքը 10-րդ դ. վերջին գրաւում են հետզհետէ հզօրացող վրաց Բագրատունիները: 11-րդ դ. սկզբին նոյն ճակատագրին է արժանանում նաեւ բուն Վերին Ջաւախքը: Շուտով վրաց թագաւորները Ջաւախքն ու նրան հարեւան Սամցխէն<sup>21</sup> վերածում են իրենց թագաւորութեան հարաւում ընկած ուժեղ պաշտպանական գաւառների՝ կենտրոնախոյս ուժերի, Բիւզանդական կայսրութեան, մի փոքր աւելի ուշ՝ սելջուկ-թուրքերի դէմ: Բագրատ Գ-ն 11-րդ դ. սկզբին

կառուցապատում ու ամրացնում է գաւառի բնակավայրերից մէկը եւ կոչում Նոր Քաղաք, վրացերէն՝ Ախալքալաք (ախալի՝ նոր, քալաքի՝ քաղաք): Բագրատ Գ-ն 1044-1047 թթ. Լիպարիտ Օրբելեանի դէմ պատերազմի ժամանակ Թափարվան գետի եւ նրա ձախակողմեան Քառասունաղբիւր վտակի գոյացրած թերակղզու մասում կառուցում է Ախալքալաքի բերդը: Վրաստանից այստեղ են բերուած որոշ թուով վրացի վերաբնակիչներ:

Վրաց տիրապետութիւնը երկար չի տևում: 1064 թ. Հայաստանն ու Վրաստանը ենթարկուած են սելջուկեան ասպատակութիւններին: Այդ թուականին սուլթան Ալի-Արսլանը «...եւ իջեալ բանակեցաւ ի գաւառն, որ կոչի Ջաւախս (Ջացաւ ի գաւառն, որ կոչի Ջաւախս (Ջատախս - Ա. Մ).- գրում է պատմիչ Մատթէոս Ուռհայեցի, - եւ պատերազմաւ մեծաւ պատեաց զքաղաքն, որ կոչի Ալախ (Ախալ-քաղաք - Ա. Մ.) եւ ուժգին զօրութեամբն առաւ Ալախ քաղաքն. եւ առհասարակ զամենայն քաղաքն սրով կտորեաց՝ զայր եւ զկին՝ անողորմ եւ զամենայն քահանայսն եւ զկրօնաւորսն եւ զիշխանսն սրախողխող արարեալ. եւ անլցաւ ամենայն քաղաքն արեամբ. եւ անհամար մանկունսս եւ աղջկունսս տարան ի Պարսիկս ի գերութիւն, եւ գանձս ոսկւոյ եւ արծաթոյ՝ ականց եւ մարգարտացն որ ոչ էր թիւ»<sup>22</sup>: Նոյն իրադարձութեան մասին յիշատակում է նաեւ Վարդան պատմիչը. Տուղբիլի հօրեղբօր որդին՝ Ալի-Արսլանը «...եկն դարձեալ հարիւր հազարաւ, եւ առ զնոր քաղաք, զոր Վիրք Ախալ-քաղաք ասեն»<sup>23</sup>: Պատմիչների այս վկայութիւններից երեւում է, որ 11-րդ դարի կէսերին իբրեւ վարչական կենտրոն Մուշեղային փոխարինած Ախալքալաքը սարսափելի կոտորածների ու բռնազաղթի հետեւանքով կորցել էր իր բնակչութեան

զգալի մասը: 12-րդ դարի սկզբին վրաց Դաւիթ Շիրարարին (1089-1125) յաջողում է սելջուկ-թուրքերից ետ գրաւել Լօռին ու Ջաւախքը: Սակայն ամբողջ 11-րդ դարի ընթացքում այն, ի թիւս այլ գաւառների, ձեռքից ձեռք է անցնում: 1175 թ. օգոստոսին Գանձակի սուլթան-աթաբեկ Երզկուզի զօրքերը ասպատակում են Ջաւախքն ու Թուրքը: Գէորգի Գ-ն (1156-1184) խուսափում է ճակատամարտից եւ չի կանխում սելջուկների գործողութիւնները<sup>24</sup>: Անին ու Շիրակը աւերելուց յետոյ Երզկուզը «...ընդ նմին աւերէ զԱխալ քաղաք եւ զՋաւախեթ եւ առժամայն դառնալով ի Դուին, սատակի ինքն եւ սուլտանն եւ այլ բազումք ի մեծամեծաց»<sup>25</sup>: Միայն 12-րդ դարի վերջին, Թամար թագուհու (1184-1213) պատմիչի վկայութեամբ, սելջուկների նկատմամբ Ջաւախք եւ Իւանէ Ջաքարեանների տարած յաղթանակներից յետոյ Վրաստանին է ենթարկուած Ջաւախքից մինչեւ Սպեր ընկած տարածքը<sup>26</sup>:

Այս շրջանում շարունակուեցին քարթուկական (վրացական) էթնիկական նոր խմբերի ներթափանցումները Ջաւախք, որոնք վրաց Բագրատունիների ուժեղացման ժամանակաշրջանում (12-րդ դ.-13-րդ դ. սկիզբ) յատկանշական էին ոչ միայն Ախալքալաքի, այլեւ հայ-վրացական զինակցութեան շնորհիւ Վրաստանին անցած Հիւսիսային Հայաստանի միւս գաւառներին: Այսուհանդերձ, այդ գաւառներից Լօռին, Սամցխէ-Ախալցխան, Տաուշը, Սեւանի շրջակայ գաւառները, ինչպէս եւ Ջաւախքը շարունակում էին գերազանցապէս մնալ հայաբնակ: Պատահական չէ, որ այդ տարածքները վրաց արքունիքը յանձնեց հայ Ջաքարեաններին, որոնք Վրաստանի հովանաւորու-

Թեան ներքոյ ստեղծեցին իրենց իշխանապետութիւնը:

Թամար թագուհու պատմիչը գրում է, որ Ջալալքում կուսակալներ էին Սարգիս Երկայնաբազուկ Թմոզվելին (Թմոզվեցին) եւ Շալա Թորելին (Թորեցի): Առաջինը նստում էր Թմոզվի, հայկական՝ Թմուկ կամ Թմկա բերդում, որը գտնուում էր Կուրի ձորում, Մուսղա աւանից ոչ հեռու, իսկ երկրորդը՝ հաւանաբար Թորէա գիւղում: Այն, որ Ջալալքում եղել են երկու կուսակալներ՝ գաւառապետեր, պատահական չէ: Նշանակում է շարունակում էր պահպանուել գաւառի նախկին վարչական բաժանումը: Թորեցիները նոյնպէս ենթարկուում էին Թմկաբերդի Ջալալքաններին: Ախալքալաքը, որն օգտուում էր քաղաքային ինքնավարութիւնից, ամբողջ գաւառի վարչական ու տնտեսական կարեւորագոյն կենտրոնն էր:

13-րդ դ. 20-ական թուականների կեսերին Ջալալքը ենթարկուեց միջինասիական տիրակալ Ջալալէդդինի, իսկ 30-ականներին՝ մոնղոլների ասպատակութիւններին<sup>27</sup>: Սակայն մի քանի գաւառներում, այդ թւում Ջալալքում, Ջալալքանների ինքնավար վիճակը պահպանուեց: Ըստ 1245 թ. նոր վարչական բաժանման՝ մոնղոլների հսկողութեամբ Ջալալքը թողնուեց Թորեցիներին: 1266 թ. Թմկաբերդի տէր Սարգիս Ջալեցին, օգտուելով վրաց թագաւորների եւ մոնղոլների հակամարտութիւնից, կարողացաւ հիմնադրել մի ընդարձակ իշխանութիւն՝ Տաշիրից մինչեւ Էրզրում, Սամցխէի արեւելութիւն անունով, որն իր մէջ ընդգրկեց նաեւ Ջալալքը: Մինչեւ 14-րդ դ. սկիզբը, մոնղոլներին որոշ քանակութեամբ հարկեր վճարելով, Հայաստանի հիւսիսում եւ հիւսիս-արեւմուտքում

կազմաւորուած, հիմնականում հայաբնակ այս իշխանութիւնն իր ինքնուրոյնութիւնը պահպանեց մինչեւ 1535 թ.՝ պայքար մղելով Քարթլիի, Լէնկ-Թեմուրի, նրա յաջորդների՝ Թեմուրեանների, 15-րդ դարից՝ թուրքմէնական կոյունլու ցեղերի դէմ: Ինչպէս Բագրատունիների, Ջալալքանների, այնպէս էլ վերջիններիս յաջորդներ Ջալեցիների օրօք, Հայ մշակութային կեանքը Ջալալքում զգալի վերելք ապրեց, որի պերճախօս վկայութիւններն են պահպանուած բազմաթիւ հայկական ճարտարապետական կոթողները<sup>28</sup>:

15-րդ դարի վերջից Ջալալքը յայտնուեց զանազան նուաճողների տեսադաշտում: 1484 թ. պարսից Եաղուբ խանի զօրքերը աւերեցին այն, կոտորեցին ու գերեզմանեցին բնակչութեանը, իսկ գաւառը կրակի մատնեցին<sup>29</sup>: 1535 թ. Իմբրեթիյալի ու Քարթլիի թագաւորները համատեղ ջանքերով պարտութեան մատնեցին Սամցխէի արեւելի զօրքերին եւ տիրեցին Ախալքալաքին ու Ախալցխային: Սակայն Սեֆեան Իրանի դէմ պատերազմների ընթացքում 1547 թ. օսմանեան թուրքերը գրաւեցին այդ քաղաքները: 1555 թ. Ամասիայում կնքուած պարսկաթուրքական հաշտութեամբ Ջալալքն անցնում էր Պարսկաստանին: Սակայն 1578 թ. պատերազմը վերսկսուում է, թուրքերը նորից ներխուժում են Ջալալք եւ շուտով այն մտցնում նորաստեղծ Չլդըրի, հետագայում՝ Ախալցխայի նահանգի (էյալեթ, վիլայեթ) մէջ՝ 1637 թ. այն վերածելով ինքնուրոյն գաւառի՝ սանջակի:

Նուաճուած տարածքներում օսմանցիներն անցկացնում են աշխարհագիր՝ տեղի բնակչութեանը հարկման ենթարկելու նպատակով: 16-րդ դ. վերջին կազմուած թուրքական հարկացուցակներից մէկն

արժէքաւոր տեղեկութիւններ է պարունակում Ախալքալաքի գաւառի ժողովրդագրական իրավիճակի մասին: «Գիւրջիստանի վիլայեթի ընդարձակ դաւթար» կոչուող այդ փաստաթղթում թուարկուում են գաւառները՝ իրենց գիւղերով եւ նրանցում ապրող մարդկանց անուանացանկերով: Պարզուում է, որ Ախալքալաքի բնակավայրերի մեծ մասում բնակիչները քրիստոնեաներ էին եւ կրում էին հայկական ու վրացական կամ հայերի եւ վրացիների մէջ մեծ տարածում գտած անուններ: Հայկական կամ հայերի կողմից լայնօրէն գործածուող անուններ հանդիպում ենք հետեւեալ գիւղերում.

- Կոկիա - Ռուբէն, Ռուսէ (Յովսէփ)
- Օրջա - Հանգս Իշխանի, Գրա եղբայր Սարգիս, Աւագ Հանգսի, Կիրակոս, Սիմոն, Ղազար, Նազարի որդի
- Կոթելիա - Ջաքար
- Բարալեթ - Միտիչի (Մկրտչի) թոռ, Գրա որդի Սարգիս
- Տուրցիս - Մաստի (Մանսուր) որդի Սարգիս, Աւագ
- Խանդո - Յակոբ
- Վաչիան - Քերոբ
- Քարծեփ - Բայանդուր
- Հոկան - Մանուէլ Սարգիս
- Քիլդա - Խաչատուր
- Վերին եւ Ներքին Խոսպիաներ - Միտիչ (Մկրտչի) Տէր-Բեկի, Խոսիկ-Յոսիկ, Սահակ
- Ջիգրաշէն - Ջաքարի թոռ
- Մեծ Մաջադիա - Յակոբ
- Նաքալաքե - Հաւաթեղ Կարապետի
- Կորիս - Ռոստոմ, Գրա որդի Կիրակոս, Ծառա Մկրտչի, Հանգս Սարգիս, Կիրակոս Ասուածա/տուրի
- Գումբուրդո - Խարաբայի որդի Դաւիթ, Մկրտիչ՝ Ամիրխանի որդի, Եարալ Կիրակոսի, Ծառկոյի որդի Աբրահամ, Մանուկ
- Օլաւերդ - Աբաս
- Խոյզումո - Ասուածա/տուր, Արտաշէս
- Հեշտիա - Տէր-Յակոբ

- Մեծ Խորենիա եւ Չամդուրա - Գրիգոր, Գրա եղբայր Մոսէ, Սահակ Գրիգորի, Գրա եղբայր Սարգիս, Տէր-Յակոբ, Գրա եղբայր Եարալ, Խաչատուր, Մուրադ Ջիհանշէի
- Օրջա - Վահրամ, Սարգիս, Եղիազար
- Ջրեակ - Ծառմուրադ, Ռոստի (Յովսէփ), Սիմոն, Սամսոն, Ասուածա/տուր
- Ղաւորմա Սարգիս
- Բարա Բայանդուր
- Թորիա - Առաքել, Բայանդուր, Ջանիբեկ Սարգիս, Մկրտիչ
- Աբուլ - Եղիազար, Դաւիթ, Սարգիս
- Ախալքալաքի բերդ - Մուրադ, Գրա եղբայր Ջադիկ
- Փոքր Մուրջախեթ - Հանգս Սարգիս
- Փոքր Մազմարա - Դոկիկ Ասուածա/տուրի
- Մուհրա - Ջոշիկ Ջրհանշէի, Գրա եղբայր Մանուկ
- Սուլդա - Ծերմազան, Գրա որդի Սիմոն
- Էրիցա - որդի Եղիազարի, Գրա եղբայր Մանու, Յակոբ
- Խոզարուն (Խոզարի) - Մանուկ Ասուածա/տուրի
- Արագովա - Սարգիս
- Ափնիա - Աբաս
- Բեժանո - Սիմոն
- Ալաստան - Արզուման
- Լոմատուրցիս - Ալիբեկի որդի Ռոստոմ
- Ջակ - Եղիազար, Ռոստի-Յոսէփ
- Բուռնաշէթ - Սարգիս եւ այլն:

Ուշագրաւ է, որ կան նաեւ բնակավայրեր, որոնց բնակչութեան ճնշող մեծամասնութիւնը հայեր են: Այսպէս, նշանաւոր Թմուկ (Թմոզվի) բերդաքաղաքն ըստ նոյն աղբիւրի գերազանցապէս հայաբնակ էր: Այնտեղ հանդիպում ենք հետեւեալ անուններին. Սարգիս Առաքելի, Ռոստոմ, Անանիայի որդի, նրա եղբայր Մկրտիչ, որդի Վարդանի, որդի Եղիազարի, Յովհաննէս Բայանդուրի, Պապու Շիրինի, Բերիկ Փիրազիզի, նրա որդի Մկրտիչ, Մուրադ, Տէր-Յակոբ, Բերիկ Մուրադի, նրա եղբայր Մարգար, Յակոբ, Սարգիս Մելիքի եւ այլն: Ջուտ հայաբնակ էր

Չլզրի գաւառի Բենարբել գիւղը՝ Մառուկի որդի, նրա եղբայր Ասուածատուր, Մարգարի որդի, Ղուկիջանի որդի Նորսէս (Ներսէս), Խոսիկ-Յուսիկ, Ռոստոմի որդի, Սարգիս Մուխթարի, Միկիւրտիչ Վելիջանի, Միտիչի որդի, նրա եղբայր Սարգիս, Մուրադ Կարապետի, Մարտիրոս Աւանէսի, Յովհաննէս Ամիրազիզի, նրա եղբայր Կարապետ, Խաչիկ Համբարձումի, Թոռնիկ Մառուկի, Խաչատուր Ալեքսանի, Մարգար, Պապու Մարգարի եւ այլք:

Հայաշատ էին նաեւ նոյն գաւառի Մեծ եւ Փոքր Կարծախ գիւղերը՝ Նազար Շահնազարի, Վարդան,<sup>1</sup> Գրիգոր Սուքիասի, Ջհանշէ Կիրակոսի, Մկրտիչի որդի, նրա եղբայր Վարձել, Բայանդուր, Խաչիկ Եարալի, որդի Սահակի, որդի Անտոնի, Տէր-Յակոբ Ջոմերդի, նրա որդի Շահազիզ, Եարազիզ Տէր-Յակոբի, Սարգիս, Ասուածատուր, Դիարբել Սահակի, նրա եղբայր Ասուածատուր եւ այլն<sup>30</sup>: Յատկանշական է, որ վերոյիշեալ անունների մէջ բազմիցս յիշատակուած է Տէր-Յակոբ անունը, իսկ Խոսպիսյուն՝ Տէր-Բէկը, Հանգամանք, որը վկայում է տուեալ բնակավայրում Հայ քահանայի, այն է՝ նաեւ Հայկական ծխի ու եկեղեցու առկայութեան մասին:

Հետագայ դարերում օսմանեան երկարատեւ ու դաժան տիրապետութեան ընթացքում խնդրոյ առարկայ գաւառը եւս գերծ չմնաց բնակչութեան բռնի մահմեղականացումից: Իսլամ ընդունեց Հայուկութեան յատկապէս այն Հատուածը, որը վրաց գերիշխանութեան շրջանում դարձել էր քաղկեդոնական<sup>31</sup>: Իսլամացած այդ տարրերը արդէն 17-18-րդ դդ. եկո-

ւոր թուրքերի հետ Ախալցխայում, Ադիգէնում, աւելի քիչ՝ Ախալքալաքում յայտնի էին ընդհանուր «մեսխեթցի»<sup>32</sup> աշխարհագրական անունով: Այսպէս, ըստ վրաց հեղինակ Վախուշտ Բագրատիոնի, 18-րդ դ. 40-ական թթ. Ախալքալաքի գաւառի Բարալեթ եւ Կոկիա յայտնի բնակավայրերի հիմնական բնակիչները մեսխեթն ու Հայերն էին<sup>33</sup>: Թէեւ քրիստոնեաների համեմատութեամբ մահմեղականները սակաւթիւ էին, սակայն օտար տիրապետութեան աւերիչ իրադարձութիւնները հող էին նախապատրաստում գաւառի էթնիկական դիմախեղման համար: Յատկապէս ծանր հետեւանքներ ունեցաւ 1730-ական թթ. կէսերին Նազիր խանի (հետագայում՝ շահ) արշաւանքը: Հիւսիսային Հայաստանից գերուած 6000 Հայ բնակիչների նա բռնագաղթեցրեց Պարսկաստան: «...Եւ գերեցին զՆարիմանու նահանգն, զՋաւախէթու, զՉլտրու եւ զՂալի Ղուլու, որք էին բովանդակ ի մեր ազգէ,- գրում է Աբրահամ Կրետացին,- Եւ քշեցին զայր ու զկին, զձեր եւ զտղայ եւ տարան ի Խորասան՝ թուով ԶՌ (6000), որպէս եւ լսեմք»<sup>34</sup>: Այդուհանդերձ, ինչպէս երեւում է Հ. Ղուկաս Ինճիճեանի մի վկայութիւնից, 18-րդ դարի վերջին Ախալքալաքի գաւառը շարունակուած էր մնալ գերազանցապէս Հայաբնակ երկրամաս: Միայն Ախալքալաք քաղաքում ապրում էին 600 ծուխ Հայեր եւ վրացիներ<sup>35</sup>: Այսպիսի քաղաքական ու վարչաժողովրդագրական իրավիճակ էր Ջաւախքում, երբ Անդրկովկասի համարակիւ ռազմաքաղաքական գործունէութիւն ծաւալեց Ռուսական կայսրութիւնը:

ՇԱՆՕԹԱԳՐՈՒԹԻՒՆՆԵՐ

- 1 Երեմեան Ա., Հայաստանը ըստ «Աշխարհացոյց»-ի, Երեւան, 1963, էջ 46:
- 2 Նոյն տեղում, էջ 110:
- 3 Տաշիրը հիմնականում համապատասխանում էր Խորհրդային Հայաստանի Ստեփանաւանի եւ Կալինինոյի (այժմ Տաշիր) շրջաններին, Թումանեանի շրջանի հարաւային մասին, Կողբոփորը՝ Նոյեմբերեանի, Ջորոփորը՝ Թումանեանի մեծ մասին, Վերին Ջաւախքը՝ Վրաստանի Հանրապետութեան Ախալքալաքի եւ Բոզդանովկայի /Նիճոմիդիա/, Թոնքը՝ Մալկայի, Մանգլիստեպոլիսի, Թոնքը՝ Մառուկի, Ծոբոփորը՝ Մառուկի, Բողոփորը՝ Բուլնիսի շրջաններին: Հարաւ Կղարքը, Արտահան, Ծաւեթ եւ այլ գաւառներ այժմ Թուրքիայի տարածքում են:
- 4 Ջաւախքի միջին բարձրութիւնը ծովի մակերէնէն 1800մ է: Ամենաբարձր գագաթն Աբուլն է՝ 3301մ: Կլիման խստաշունչ է՝ ձմեռը ցուրտ եւ երկարատեւ, ամառը՝ կարճատեւ ու զով (տարեկան միջին ջերմաստիճանը՝ 4-4,5 աստիճան): Գաւառը հարուստ է լճերով՝ Փարուսանայ, Տաքածղուրի, Սաղամո, Խոզափի, Խանջալի, Մաղաթափա եւ այլն: Լեռնադաշտը ծածկուած է սեւափոփա եւ այլն: Լեռնադաշտը ծածկուած է սեւափոփա եւ այլն: Բացի հիւսիսային մասից, Ջաւախքն անտառազուրկ է: Փարուսանայից սկիզբ է առնում Կուրի աջակողմէն թափարկւած վտակը:
- 5 13-14-րդ դդ. պատմիչ Ստ. Օրբելեանը ընդհանրապէս երկրի անունից բխեցնում է բնակիչների՝ շաւախուրների անունը: Տե՛ս Ստեփանոս Օրբելեան, Սիւնիքի պատմութիւնը, Ե., 1986, էջ 303:
- 6 Կարազեղեան Յ., Հայկական լեռնաշխարհը սեպագիր աղբիւրներում, հ. 1, գիրք 1, Եր. 1998, էջ 94, 132, 195, 203-204 եւ Հայ ժողովրդի պատմութեան քրեատմատիա, հ. Ա., Ուրարտական աղբիւրներ. Ե., 1981, էջ 58, 67:
- 7 Երեմեան Ա., Ուրարտու պետութիւնը, քարտեզ. Հայ ժողովրդի պատմութիւն, ՀՀ ԳԱԱ հրատ., հ. Ա, Ե. 1971:
- 8 Մովսէս Խորենացի, Պատմութիւն Հայոց, Վեներիկ, 1881, գիրք Բ, գլ. Ը, տե՛ս նաեւ Ստեփանոսի Տարոնեցու Ասողկայ Պատմութիւն տիեզերական, Ս. Պետերբուրգ 1885, էջ 35:
- 9 Վերջին Ջաւախքը, որն այժմ համընկնում է Ախալքալաքի եւ Նիճոմիդիայի վարչական շրջաններին, գրաղեցրել է մօտ 2700 քառ. կմ տարածք, իսկ Ներքին Ջաւախքը՝ Աերկայի Ասպիճայի՝ պատմական Ասպաճայի շրջանը եւ Արտահանի հիւսիսային մասը, կազմել է մօտ 1400 քառ. կմ: Տե՛ս Երեմեան Ա., Հայաստանը ըստ «Աշխարհացոյց»-ի, էջ 78:
- 10 Մուրդան յաճախ նշանակուել է այժմեան Ախալքալաքի Սուլդա գիւղի հետ: Ոմանք էլ այն

- տեղադրել են Կուրի ձորում՝ Նաքալաքե գիւղի տեղում:
- 11 Ստրաբոն. Օտար աղբիւրները հայերի մասին, հ. 1, Ե. 1940, էջ 54-57, Հայ ժողովրդի պատմութեան քրեատմատիա, էջ 196:
- 12 Քարթլի Յիստորիա (Քարթլիի տարեգրութիւնը), հ. 1, Թբիլիսի, 1955, էջ 48-49 (վրացերէն):
- 13 Նոյն տեղում, էջ 85-86:
- 14 Պատահական չէ, որ ըստ պատմագիրների, վրաց Միլիան (Միլիան) թագաւորը 320-ական թթ. Հայոց Տրդատ Մեծի օրինակով եւ օժանդակութեամբ է քրիստոնէական դարձի բերել վրաց ժողովրդին:
- 15 Փաստոս Բուզանդ, Պատմութիւն Հայոց, թարգմանութիւնը եւ ծանօթագրութիւնները Ստ. Մալխասեանի, Եր., 1987, էջ 322:
- 16 Ենթադրում է, որ Վարձաւանների անունից է ծագել հետագայի Վարձա քաղաքի (10-13-րդ դդ.) անունը (Աերկայի Ասպիճայի շրջանում):
- 17 Արդնց Ն., Հայաստանը Յուստինիանոսի դարաշրջանում, Ե. 1987, էջ 282, 294, հմմտ. Ալիշան Ղ., Այրարատ, Վեներիկ, 1890, էջ 424-425:
- 18 Յովհան Մամիկոնեան, Տարածի պատմութիւն, Ե. 1989, էջ 114. Հայ ժողովրդի պատմութեան քրեատմատիա, էջ 682:
- 19 Յովհաննէս կաթողիկոսի Դրասխանակերտեցու Պատմութիւն հայոց, Թիֆլիս, 1912, էջ 244:
- 20 Այժմ Ախալքալաքի հարաւում կա Գոգաշէն անունով գիւղ:
- 21 Սամցխէ կամ Մեխիթէ գաւառը համապատասխանում է Աերկայի Ախալքալաքի եւ Ադիգէնի վարչական շրջաններին:
- 22 Մատթէոս Ուրբայեցի, Ժամանակագրութիւն, աշխարհաբար թարգմանութիւնը եւ ծանօթագրութիւնները Հ. Բարթիկեանի, Եր., 1991, էջ 158:
- 23 «Մեծին Վարդանայ Բարձրբերդեցու Պատմութիւն Տիեզերական», Մոսկուա, 1861, էջ 136: Վարդան պատմիչի այդ վկայութիւնից հետեւում է, որ հայերը քաղաքը կոչել են ոչ թէ վրացական ձեռով Ախալքալաք, այլ՝ Նոր քաղաք: Փաստօրէն նոյն միտքը կայ նաեւ Ուրբայեցու մօտ, որը գործածում է միայն Ախալ՝ նոր տեղանունը: Չպէտք է մոռանալ, որ Ախալ եւ քաղաք բառակապակցութեան մէջ վերջին բառը միայն վրացերէն չէ. քաղաքը նաեւ հայկական քաղաք բառն է:
- 24 Մարգարեան Հ. Գ., Հիւսիսային Հայաստանի եւ Վրաստանի ԺԲ դարի պատմութեան մի քանի հարցեր, Ե., 1980, էջ 122:
- 25 Մանր ժամանակագրութիւններ, հ. 2, Ե. 1956, էջ 502, հմմտ. Ստ. Օրբելեան, Ժամանակագրութիւն, Ե. 1942, էջ 18-19:
- 26 Жизнь царицы Тамары. Памятники грузинской

- литературы, т. V, Тбилиси, 1985, стр. 37, 46. Թամար թագուհու կեանքը, Վրացական պատմական գրականության յուշարձանները, հ. 5, Թբիլիսի 1985, էջ 37, 46 (ոտևերէն):
- 27 Վրաց ժամանակագրություն /1207-1318/, թարգմանությունը հին վրացերէնից Պ. Մուրադեանի, Ե., 1971, էջ 66, 73:
- 28 Ե. Լալայեանը 19-րդ դ. վերջին ակամատես է եղել այդ ժամանակաշրջանին վերաբերող բազմաթիւ խաչքարերի (Լալայեան Ե., Երկեր, հ. 1, Եր., 1983, էջ 55): Դրանց մի մասն ուսումնասիրուել է Մամուլէ Կարապետեանի կողմից, (Կարապետեան Ա., Ջուախքի խաչքարերը, Ե. 1995): Ծունդայում, Թմկաբերդում եւ այլուր յայտնաբերուած XIV-XV դարերի հայերէն արձանագրութիւններ ունեցող խաչքարերի մասին աշխատութիւններ ունի նաեւ վրաց-պատմաբան Լ. Դաւիթանիձէն (տե՛ս Արտանուշի, ամսագիր, Թբիլիսի, 1998, թիւ 7, էջ 19, 58 (վրացերէն):
- 29 Էփրիկեան Ա., Պատկերագարոյ բնաշխարհիկ բառարան, հ. Ա, Վեներիկ, 1902, էջ 62:
- 30 Գուրջիստանի (Վրաստանի) վիլայեթի մեծ հարկացուցակը, գիրք 2, Թբիլիսի, 1941, էջ 191-243, 275-278 (վրացերէն):
- 31 Վրաստանում Հայաստանի անմիջական օժանդակութեամբ քրիստոնէութեան տարածումից յետոյ վրաց եկեղեցին ընկաւ հայ առաքելական եկեղեցու ազդեցության տակ եւ փաստօրէն կազ-

- մեց նրա մի ճիւղը: Սակայն 607-608 թթ. վրաց կաթողիկոս Կիրիոն Սկուտրիեցին, քաղաքական նկատառումներով հասաւ հայ-վրացական եկեղեցական պառակտմանը եւ նախընտրեց յունարանությունը: Ջուախքի հայերը մնացին առաքելական եկեղեցու ենթակայութեան տակ եւ միատրուեցին զաւտի Ջրէսկ հոգեւոր կենտրոնի /այժմ՝ Ջրէս գիւղ/ շուրջը: Վրաց Բագրատունիների հզօրացման շրջանում վրացական եկեղեցին պարտադրեց Սամցխէի, Ջուախքի եւ պատմական Տայքի հայերի մի մասին ընդունելու քաղկեդոնականութիւն: 17-րդ դ. փեղինակ Յակոբ Կարնեցու վկայութեամբ վերջիններս «ազգաւ եւ կրօնին վրացի (էին - Ա. Մ.)», բայց հայի լեզուա խօսէին» (Մանր ժամանակագրութիւններ, հ. Բ, Ե., 1956, էջ 554):
- 32 Վրաց պատմաբաններն ու ներկայիս քաղաքական գործիչներն այդ տերմինի մէջ էթնիկական իմաստ են դնում՝ փորձելով մեսսիոնարական ներկայացնել իբր զուտ վրացիներ:
- 33 Քարթլիս Տխովրեբա (Քարթլի տարեգրութիւնը), հ. 4, Թբիլիսի, 1973, էջ 669-670 (վրացերէն):
- 34 Աբրահամ Կրետացի, Պատմութիւն, Ե., 1973, էջ 67:
- 35 Ինճիճեան Ղ., Աշխարհագրութիւն չորից մասանց աշխարհի, հ. Ա, Վեներիկ, 1806, էջ 124-127:

ԿԼՈՐ, ՈՒՂՂԱՆԿԻՒՆ, ԵՌԱՆԿԻՒՆԻ ՅՕՐԻՆՈՒԱԾՔՆԵՐԸ  
ԵՒ ՔԱՌԱԿՈՂՄ ՈՒ ԵՌԱԲԱԺԱՆ ՀԱՄԱԿԱՐԳԵՐԸ  
ՀԱՅ ԾԱՐՏԱՐԱՊԵՏՈՒԹԻՒՆՈՒՄ

Աշոտ Հայկազուն Գրիգորեան

Ճարտարապետական իւրաքանչիւր յօրինուածք իր կառուցութեամբ յինքնուրուի է յատկազօծային եւ քուժ ընդգրկում է յատկազօծային եւ ծաւալատարածական միասնութիւնը, որով պայմանաւորուում է յօրինուածքի տիպ-տեսակը: Այն փոփոխուում է պատմական ժամանակաշրջանում՝ իր վրա կրելով օրուայ թելադրանք-գործօնների հետքը, միաժամանակ պահպանելով նահատեղ շատ տարրեր եւ յօրինուածք-խաստեղ շատ տարրեր եւ յօրինուածքներ: Ակնյայտ է նաեւ, որ Հայ մշակոյթի ընդհանուր պատմութիւնը առկայուում է հազարաւոր պատմական, հնագիտական, գրաւոր եւ նիւթեղէն վաւերագրերով, որոնք մէկ աւելորդ անգամ հաստատում են մարդու որպէս բանական էակի մտածողութեան, բնափիլիսոփայութեան, մտաւոր եւ մշակութային գործունէութեան եւ մասնաւորապէս, ճարտարապետութեան փոխպայմանաւորութիւնը:

Ճարտարապետական յօրինուածքային Հայեցակէտերը (բնակելի եւ թէ պաշտամունքային կառոյցների) կապուած են մարդ-տիեզերք-շրջակայ աշխարհ բնափիլիսոփայական հասկացութիւնների հետ: Մ. Էլիադէն գրում է. «Տիեզերակազմութիւնն ամէն մի կառոյցի եւ շինութեան նախօրինակ մանրակերտն է»: 1 Հետեւաբար ճարտարապետական յօրինուածքային նախատիպեր հանդիսացող կլոր եւ ուղղանկիւն (բնակելի տուն-«գլխատուն», եկեղեցի, տաճար եւ այլն) յատկազօծային յօրինուածքների<sup>2</sup> ձեւաբանական հիմքում պէտք է փնտրել մարդ-տիեզերք հասկացութիւններից

բխող մօտեցումներ: Մարդու մարմնի եւ կենդանաշրջանի համապատասխանութիւնը գալիս է շատ հնուց: 3 Եւ ընդհանրապէս մարդը համարուել է փոքր աշխարհ, պէս մարդը համարուել է փոքր աշխարհ, իսկ տիեզերքը՝ մեծ (Դեմոկրիտ, Դաւիթ Անյաղթ): Այս միտքն է հաստատում նաեւ Յովհաննէս Երզնկացին. «Երեւելի արարածքս մեծ աշխարհ ասի, եւ մարդ՝ փոքր աշխարհ»<sup>4</sup>:

«Մարդ փոքր աշխարհի» բնակատեղին երկիր մոլորակն է: Այստեղ կողմնորոշուելու ամենապարզ եւ բնական ձեւը մարդը գտել է երկիր-բնակատեղիի քառակողմ բաժանումով (դէպի արեւ, արեւաձաք, հետադարձ՝ արեւելք դիմային կողմնորոշումով): Այդ են վկայում Հայկական լեռնաշխարհում սփռուած ժայռապատկերների (օրինակ՝ Գեղամայ, Սիւնաց լեռներ, Արագած եւ այլն) կլոր, քառակուսի եւ կլորի մէջ ներգծուած քառակուսի, կամ խաչ (քառաթեւ), կամ կլորի մէջ ներգծուած խաչը պատկերող խումբը, որտեղ ամփոփուած են արեւ-տիեզերք, երկիր, երկիր-աշխարհի չորս կողմեր (հետադարձ արեւելք-արեւմուտք, հիւսիս-հարաւ), չորս կէտ (համաստեղութիւն), չորս մարդ (օրինակ՝ այն պատկերը, որտեղ երկիր մոլորակը պատկերուած է կլոր օղակով, որի մէջ ներգծուած է քառաթեւ հաւասարակողմ խաչը, ըստ շրջանազծի երկու փոխուղղահայեաց տրամագծերի եւ ամէն մի խաչաթեւերի եւ շրջանազծի հատման կէտում «կանգնած» չորս մարդու պատկերներ հիերոգլիֆներ<sup>5</sup>) (տե՛ս պատկեր 1):